

(das ist die jehnige so die güter führten vnd mitbrachten) mitnemen vnd gebrauchen mussten/sich wider die Arabische Raubvögel / so fast auff allen wegen sich daher finden lassen/zu beschützen vn zu erwehren/also dz auff solche güter vnd Waarē ehe sie dahin konnten gebracht werden/ein grausamer vnkost gangen vnd noch gehet/wiewol die jehnige so dieselbe auß Indien gen Alexandria vnd vō dānen gen Venedig auff ander Ort hin vnd wider in Europa bringen/auch ein merckliches darauff gewinnen/sintemal diese wahrē vnd güter bey vns sehr begehrt vnd hochgehalten werden/vnd auch kein neherer Weg oder Mittel dieselbe zu vns zu bringen/ dann mit gemelten Carouanen vber Land/dazumal vor handē war. Herrnach aber/vnd innerhalb etlich Jahren ist durch den vnuerzagte mit etlicher Seeritter/so sich kein gefahr/Sturm/Wind/vn tausendt ande widerwertigkeitē so man auff so langer Schiffahrt zu befahrē hat / ein ander newer vn zuuor ganz vnbeantter weg erfundē worden/das man numehr vn ganz Africam vn das Vorgebirg Cabo de bona Speranza genant/ vnd vō dānen zwischē der andern seitten an Africa vnd d Insel Madagascar hin/bis an das Rote Meer/ dz glückseelig Arabien / in das Persischer Meer/gen Calicut/Goa/vn vnzehlig ande Orter/ Insel Lād-schafft vnd Stett segeln vnd fahren/vnd also viel be- rührte waaren mit viel weniger vnkosten/müh vnd Arbeit zu vns bringen kan. Darauf dan erfolgt / dz

Kommt gen
Lisabona in
Portugal.

gemelter Kauffhadel der Speceren/zu Venedig sehr ab/hingegē zu Lisabon in Portugal sehr auffkōmen/ ja auff das höchste gestigē/das mā wol sagen mag/es sey jeh gemelter hadel vō einer Statt in die ander gezogen vnd gleichsam verhauset/ doch bishero daselbstē zu Lisabona fast allein verblieb / sintemalen alle